

- Mugit vacca loquax, quin taurus cornibus audax,  
 Perdita demonstrant, natum per singula lustrant.  
 Ast vosagina canis, lustrosis conscientia silvis,
- 330 Venerat ad medium certum dictura relatum:  
 'Aestimo, quod vobis referentur gaudia moestis,  
 In genesi legitur, Esau cum gesta feruntur,  
 Ille sagitta doctus erat gravidaque faretra,  
 Portabat cornu, fuerat qui doctus in arcu,
- 335 Capsidile suo gestabat in inguine dextro,  
 Hic me nutritivit, per rara latibula duxit.  
 Post mortem domini vobis mendica remansi.  
 Visis consternor, auditis corde retundor.
- Juxta est spelaeum multo praedamine plenum,
- 340 Sole sub occiduo latrans prope jam pede fesso  
 Audieram strepitum, certans comprehendere melum;  
 Reddetur stabulo, si forsan quaeritur antro.  
 Suscipitur sermo, quem dixerat barbarus hospes,  
 Et praedocta canis ceu fertur odora canum vis,
- 345 Non praeter centum properans praetendere gressum,  
 Donec pervenit, quo se conducere vovit.  
 Tunc equitum turmae certant peditumque catervae,  
 Ne numero plures, virtute et honore minores,  
 Indocti stolidi simul impugnare parati.
- 350 Viribus editior, collecto tum grege major,  
 Irritat, mulcit taurus, mugitibus implet;  
 Fit sonus in terris, quasi totus corruat orbis.  
 Exilit ille lupus somno vinoque sepultus,  
 Convocat armigeros pugnandi jure remotos,
- 355 Sperat belligeros solo torpore peritos,  
 Arcem contendit hostes, quo cernere possit,  
 Visis expavit, reparatis viribus infit:  
 'O famuli fortis, animosas cernite gentes,

---

335 capsidile A.      337 mendica A.